

**Oqaluuserisassanut nassuiaat.**

(Inatsisartut Siulittaasoqarfiat)

Ulloq 7. oktober ataatsimiinnitsini immikkoortut 60, 38, 44 aamma 78 angumerinngilagut. Ullumi ataatsimiinnitsinni taasissutigisassat naammassereerutsigit taakku siulliullugit oqaluuserisavavut.

Siulittaasoqarfiup aalajangerpaa imm. 48, Inatsisartunut Naalackersuisunullu il.il. ilaasortat aningaasarsiaqartitaanerat il.il. pillugit Inatsisartut inatsisaata allanngortinneqarneranik Inatsisartut inatsisissaannut nr. xx, ulloq uu. qqqq 2010-meersussamut siunnersuut, ullumi oqaluuserisassanit peerneqassasoq, siunnersuutigalugu siullermeerneqarnissaa oktobarip ulluisa 28-iannut nuunneqassasoq aatsaallu 2011-mi upernaakkut ataatsimiinnermi aappassaaneerneqarlunilu pingajussaaneerneqarluni.

Naalackersuisut ulloq 13. august siulittaasoqarfimmut nalunaarput isumaginninnermut Naalackersuisoq ulluni 8. - 12. oktober peqassanngitsoq. Siulittaasoqarfiup tamanna isiginiarsimavaa oqaluuserisassat nassiunneqaqqaarmata, taamaalillunilu immikkoortut 45 aamma 61, ulloq 7. oktober oqaluuserineqartussaagaluarlutik, angumerineqannginnamilli ullumimut nuunneqaraluarlutik. Isumaginninnermullu Naalackersuisoq ullumi peqassanngimmat Siulittaasoqarfiup siunnersuutigaa siullermeerinnineq ulloq 20. oktober aappassaaneerinninnerlu ulloq 10. november pissasut.

Imm. 62-ip, Aalisakkanik tunitsivinni suliffissuarnilu Pisortanit aningaasaliiffigineqarlutik ingerlanneqartuni tamani tunisassiornermut ataatsimiititaliaqalernissaannik Naalackersuisut suliniuteqaqqullugit Inatsisartut aalajangiiffigisassaattut siunnersuutip ulloq 19. oktober siullermeerneqarnissaa ullorlu 9. november aappassaaneerneqarnissaa maanna siunnersuutigineqarpoq, taamatullu aamma imm. 76-ip, Kitaata qeqqani aammalu nunatta kujataani qilalukkanik qernertanik pisassiisoqartalersillugu Qilalukkanik qaqortanik qernertanillu illersuineq piniarnerlu pillugit Namminersornerullutik Oqartussat nalunaarutaannik nr. 2-mik, 12. februar 2004-meersumik Naalackersuisut allanngortitsinissaannik peqquneqarnissaannik Inatsisartut aalajangiiffigisassaattut siunnersuutip ulloq 19. oktober siullermeerneqarnissaa ullorlu 9. november aappassaaneerneqarnissaa maanna siunnersuutigineqarpoq

Naalackersuisut kingoqqutsillutik imm. 82, Kalaallit aningaasaannik pappiaqqanik immikkut ittunik suliaqarneq pillugu suliniuteqarneq unitsinniarlugu Kalaallit Nunaanni aningaasat pappiaqqat pillugit inatsimmik nr. 436, 14. maj 2007-imeersumik Folketingip atorunnaarsitsinissaata siuartinneqarnissaa siunertaralugu Naalackersuisut danskit naalackersuisuinut saaffiginnissuteqarnissamut piginnaatinneqarnissaat pillugu Inatsisartut aalajangiiffigisassaattut siunnersuut oqaluuserisassatut nalunaarutigaat

. Siunnersuutigineqarpoq siunnersuut ulloq 20. oktober siullermeerneqassasoq ulloq 10. november aappassaaneerneqarluni.

Inatsisartunut ilaasortat Aqqaluaq B. Egede, Inuit Ataqtigiit, aamma Aleqa Hammond, Siumut, akornanni, kingulliup ulluni 12. oktoberimiit 18. oktober 2010 ilanngullugu

peqannginnissaani, taasisarnerit pillugit isumaqatigiissuteqartoqarsimavoq.